

Brjef ráðgjafans fyrir Ísland til landshöfðingja um árgjaldsgreiðslu frá Grenjaðarstaðasprestakalli. — Í þóknanlegu brjefi, dags. 13. maí þ. á., hafið þjer, herra landshöfðingi, skýrt mjer frá, að eptir að Múlaprestakall í Suður-Þingeyjarprófastsdæmi, sem samkvæmt lögum um skipun prestakalla 27. febr. 1880 á að sameinast Grenjaðarstaðarprestakalli í sama prófastsdæmi, var laust orðið með því að hlutaðeigandi prestur hafði fengið lausn frá embætti, hafi svo verið um samið við prestinn að Grenjaðarstað, að hann tækist á hendur að þjóna Múlaprestakalli móti því að Þverársókn gengi undir Helgastaði, sbr. 1. gr. nr. 135 í nefndum lögum, og að 13 jörðum, er tilheyra hinu sameinaða prestakalli, verði skipt upp á milli annara prestakalla, sem eiga heimtingu á uppbót úr landssjóði. Ennfremur hafið þjer skýrt frá, að þjer frá stiptsyfirvöldunum hafið fengið skýrslu um eptirgjaldið eptir hverja einstaka af þessum 13 jörðum að meðaltali síðustu fimm ár, og til þess að framkvæma það ákvæði í 3. grein í lögum 27. febr. 1880, að gjaldið frá einu prestakalli til annars skuli sem mest greiða með fasteignum eða afgangi fasteigna, hafið þjer lagt það til, að upp í árgjaldsgreiðslu af hinu sameinaða prestakalli sju þær 11 jarðir, er nú skal telja, frá fardögum 1891 lagðar eptirfylgjandi prestaköllum:

85
1. júlí

I. Til Þóróddstaðaprestakalls, sem á að fá 200 króna uppbót, leggist

1. Syðri Leikskálaá, eptirgjald á ári	kr. 51.91 ² / ₅
2. Húsabakki, eptirgjald á ári	— 46.26 ¹ / ₅
3. Fagranes með hjáleigu, eptirgjald á ári	— 124.73 ⁷ / ₁₀
	<hr/>
	kr. 222,91 ³ / ₁₀

þær 22 kr. 91 eyrir, sem um fram eru, leggist til:

II. Húsavíkurprestakalls, sem einnig á að fá 200 króna uppbót, kr. 22,91

og auk þess jarðirnar:

1. Rauf, eptirgjald á ári	— 75.04 ³ / ₁₀
2. Breiðavík — - —	— 38.01 ³ / ₅
	<hr/>
	kr. 135.96 ⁹ / ₁₀

en þær 64 kr. 3 aur., sem á vantar, greiðist af landssjóði eins og hingað til.

III. Til Skútustaðaprestakalls, sem sömuleiðis á að fá 200 kr. uppbót, leggist:

1. Vindbelgur, eptirgjald á ári	kr. 83.78 ⁷ / ₁₀
2. Máskot — - —	— 60.65 ¹ / ₂
3. Ljósstaðir — - —	— 62.77 ¹ / ₅
	<hr/>
	kr. 207.21 ⁴ / ₁₀

IV. Skinnastaðaprestakalli, sem á að fá 200 króna uppbót, leggist:

1. ² / ₃ úr Sjóarlandi, eptirgjald á ári	kr. 55.00 ¹ / ₂
2. Íngveldarstaðir með Íngjaldsstöðum, eptirgjald á ári	— 78.90
	<hr/>
	kr. 133.90 ¹ / ₂

en þær 66 kr. 10 aurar, sem á vantar uppbótina, greiðist af landssjóði.

V. Til Þönglabakkaprestakalls, sem fær í uppbót kr. 114,14, sbr. ráðgjafabrjef 31. desbr. 1887, leggist jörðin Kasthvammur, eptirgjald á ári kr. 112.56.

Út af þessu skal yður hjer með þjónustusamlega tjáð, í sambandi við brjef mín dags. 18. apríl, 3. júní, 31. desbr. 1887, og 18. apríl 1890, til þóknanlegrar leið-

14. dag ágústmán, 1891.

85 beiningar og frekari birtingar, að jeg samkvæmt heimild þeirri, er mjer er til þess veitt 1. júlí í konungsúrskurði 16. apríl 1887 fellst á tillögur yðar í þessu efni, og skal jeg jafnþjónustusamlega skora á yður að gjöra nauðsynlegar ráðstafanir til þess, að þessu geti framgengt orðið, og býst jeg við skýrslu um það á sínum tíma.

86 Brjef landshöfðingja til *stiptyfirvaldanna* um lán handa prestakalli til húsa-
1. júlí byggingar. — Út af erindi því frá prestinum að Söndum í Dýrafirði, sjera Kristni Daníelssyni, er jeg meðtók með þóknanlegu brjefi yðar, herra amtmaður og háæruverðugi herra, dags. í gær, og samkvæmt tillögum yðar í nefndu brjefi vil jeg hjer með veita samþykki mitt til þess, að nefndur prestur taki 1500 kr. embættislán upp á Sandaprestakall, til að byggja á staðnum í stað núverandi baðstofu, búrs, eldhúss, gangs og bæjardýra, traust og vandað timburhús 14 álnir á lengd og 6 álnir á breidd, með áföstum skúr meðfram annari hliðinni, 4 álna breiðum og jafnlöngum húsinu, hvorttveggja undir járnþaki og járnvarið mót helztu regnátum, með þeim skilyrðum, að lánið ávaxtist og endurborgist af tekjum prestakallsins, sjerstaklega uppbótinni úr lands-sjóði, með jöfnum afborgunum á 20 árum, að byggingunni sje lokið sama árið og lán-
id er tekið og að hún fari fram með tilsjón prófasts, að síðari helmingur lánsins verði ekki tekinn fyrr en sannað er með lögmætri skoðunargjörð og virðingargjörð að hið fyr-
irhugaða hús sje fullgjört og í áskildu standi og að það sje að minnsta kosti eins mik-
ils virði eins og allt lánið að viðbættu virðingarverði hinna niðurlögðu staðarhúsa með
hæfilegu álagi eptir mati tilkvaddra, þar til hæfra virðingarmanna, að hið umrædda hús
með skúr og öllu, sem fylgja ber, verði eign staðarins í stað hinna niðurfelldu torfhúsa
og að presturinn haldi því vel við og að hann eða bú hans skili því í gildu standi eða
með fullu álagi og að þessu nýja húsi verði sífellt, undir umsjón prófasts, haldið í vá-
tryggingu gegn eldsvoða fyrir að minnsta kosti 1800 kr.

Þetta er hjer með þjónustusamlega tjáð yður, herra amtmaður og háæruverðugi herra, til þóknanlegrar leiðbeiningar og frekari ráðstöfunar.

87 Brjef landshöfðingja til *stiptyfirvaldanna* um lántökuleyfi handa prestakalli
10. júlí til jarðabóta. — Út af erindi því frá prestinum að Hesti í Borgarfjarðarprófastsdæmi, sjera Arnóri Þorlákssyni, er jeg meðtók með þóknanlegu brjefi yðar, herra amtmaður og háæruverðugi herra, dags. í dag, og samkvæmt tillögum yðar í nefndu brjefi vil jeg hjer með veita samþykki mitt til þess, að nefndur prestur taki 1600 kr. embættislán upp á Hestþingaprestakall, í viðbót við þær 400 kr., er eptir standa af láni því, er prestakalli þessu var með brjefi mínu 3. okt. 1888 leyft að taka, til þess að framhalda jarðabótum á prestssetrinu Hesti, einkum þó til þess að sljetta tún prestssetursins, en lántökuleyfi þetta er bundið þeim skilyrðum, að lánið endurborgist á næstu 20 árum með $\frac{1}{20}$ ár-
lega auk vaxta, að nefndar jarðabætur verði framkvæmdar svo fljótt sem verða má, ept-
ir því sem prestinum kemur saman við hlutadeigandi prófast um, að regluleg skoðunar
og matsgjörð, er hlutadeigandi prófastur með 2 dómkvöddum mönnum framkvæmi, fari
fram, þegar presturinn tjáir sig hafa unnið jarðabætur fyrir greindu láni, á jarðabótum
þeim, er gjörðar hafa verið síðan 3. þ. m., er skoðunar og matsgjörð fór fram á hinum